

Lesolo la mokopaneniwa ka KZN le lebišitše go tshwaro ya disekerete tšeo di sego molaong le diokobatši tša nakhothini

Tshwane, 4 Matšhe 2022 – Lesolo la mokopaneniwa la go ama baofisiri ba Khasetomo ba Ditirelo tša Motšhelo tša Afrika Borwa, Ditirelo tša Maphodisa tša Afrika Borwa (SAPS) le maphodisa di lebišitše go kamogo ya tshwaro ya disekerete tša go feta 2 million le diokobatši tša nakhothini ka Durban maabane.

Tshwaro e diragetše ka magaeng a mararo a morekiši wa disekerete yo a tsebegago kudu ka Phoenix, Durban. Ka nako ya diphuruputšo, palomoka ya dimilione tše 2.31 tša dikotana tša disekerete tša boleng bja go lekana R3.1-million di ile tša golegwa. Disekerete di be di rekišwa ka boleng bja tlase gomme go be go tloga go le pepeneng gore makgetho a motšhelophahlogae a be a sa lefelwe. Gabjale go tlo dirwa oditi ka botlalo dithotong.

Gape go hweditšwe diokobatši tše dingwe tša nakhothiki mafelong a mabedi, go akaretša Mandrax le Patše tša boleng bja mebileng bja palo ya R10 000. Diokobatši di ile tša išwa ka SAPS bakeng sa dinyakišišo tša go iša pele.

Tiragalo ye ke karolo ya ditshepetšo tša go tšwetšwapele go tiiša letsogo la molao go barekiši ba disekerete tšeo di sego molaong ka seleteng sa ka KZN. Nepo ya tshepetšo ke go kgonthiša gore disekerete ka moka tšeo di rekišwago ka Afrika Borwa di a obamela gomme metšhelo ya maleba e a lefelwa. SARS e tšeere tlheko ya tiišetšo ka go leka go fediša intasteri yeo e sego molaong ya motsoko mo nageng gomme e tšwelapele go dira di oditi tša Motšhelo le Khasetomo go bagwebišani la balefela motšhelo bao ba sa obamelego.

Khomišinare wa SARS Edward Kieswetter o boletše gore, “SARS e ikgafetše nolofatšo ya kgwebišano le go godiša eknomomi ya naga y arena. E tla tšwelapele go nolofaletša le go kaonafaletša bagwebišani gore go be bonolo go obamela boitlamo bja bona bja semolao ka go ba fa tiišetšo le kgonthišo. Ka go swana, SARS e katološa bokgoni bja yona bja go thatafaletša le go lefiša dikotlo tša godimo go bagwebišani bao bas a obamelego. Se ke

temošo ya gore go ka se tlogelwe bosenyi bofe goba bofe go kgonthiša gore bao ba amanago le maitshwaro a bosenyi ba hwetše dikotlo tša bogale”.

Go hwetša tshedimošo enngwe, ka kgopelo ikgokaganye le SARSMedia@sars.gov.za